

NAMIBIA SENIOR SECONDARY CERTIFICATE

FIRST LANGUAGE OSHINDONGA ORDINARY LEVEL 4106/3

PAPER 3 Literature

2 hours

Marks 60

2019

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KAALONGWA

- Nyola omayamukulo goye mEmbo lyOmayamukulo ndyoka wa pewa.
- Nyola Onomola yOsenda, Onomola yEkonakono nEdhina lyoye kEmbo lyoye lyOmayamukulo.
- Nyola nopena ombulau nenge onduudhe.
- Ino longitha okadhimitho komeya.
- Yamukula omapulo **gatatu**, **limwe** okuza mEtendo lyaA **IyUutewo**, **ekwawo** okuza mEtendo lyaB **IyOoprosa nekwawo** otali zi mEtendo lyaC **IyOodrama**. Epulo **limwe** lyomwaangono gatatu nali kale ekwakuhololwa.
- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [] konima yepulo kehe nenge yoshitopolwa shepulo.

This document consists of **7** printed pages and **1** blank page.



Republic of Namibia

MINISTRY OF EDUCATION, ARTS AND CULTURE

ETENDO A: UUTEWO

Metendo muka hogolola mo epulo **limwe** alike.

- 1 Lesha nawa okatewo haka ka za mu**Ndilimani Omutotiitewo** ku **P. Amunyela** e to yamukula omapulo taga ka pulwa kuko.

Egalikano lyomunaskola

Tate omushiti gwandje
Oshindji ndi na ndi ku indile
Noshindji owa pe ndje Omuwa
Omagano ngo nde ga hokwa.

Aatondi oyendji mbo ndi na
Meilongo ndi, ya timpilile ndje
Aluhe uuwanawa, ihaa halele ndje
Ihe Omupukululi yambeka ndje.

Kandi n' uunongo nkee ndi ku indile
Pe ndj' uupenda nuulaadhi
Eeno, waa ethe ndje po
Nkee Tate kumika ndje.

Yambek' aailongi ayehe
Moondunge dhawo yambapeka
Shigwana komeho humitha
Nopahalo lyoye shigwana kaleka.

- (a) Gandja omihingo **mbali** dha longithwa komuteyi a holole uukwambepo mokatewo haka. Shi koleka nomatompelo **gaali** ga za mokatewo haka. [4]
- (b) Omuteyi okwa penduthile omuleshi omayiuvo geni kombinga yomaihumbato gaanaskola? Shi ninga niitsa **iyali**, e to shi koleke. [4]
- (c) Elongitho lyoshitya "tate" mokatewo haka, otali ku lombwele shike kombinga yuukwatya womuteyi? Gandja omaukwatya **gaali**, e to shi koleke. [4]
- (d) Okwaayiholamwene komuteyi okwa hololwa mo ngiini mokatewo haka? Gandja iitsa **iyali** e to shi koleke. [4]
- (e) Yelitha kutya omolwashike omuteyi a longitha eendululo moostanza dhimwe mokatewo haka. Gandja iitsa **iyali**, e to koleke eyamukulo. [4]

[20]**NENGE**

- 2 Lesha okatewo taka landula ka za mu**Mombago yomukongo**: ku**Hans D. Namuhuja**, e to yamukula epulo tali ka pulwa kuko.

Omutima

Omutima ogwa tatuka
 Nomwenyo gwandj' ogwa lila
 Omolwoshigwana
 Shika shandje.

Olutu lwandj' olwa gwa
 Oonkondo kandi dhi na
 Uuna te longola
 Oshigwana shandje.

Omutse itagu eta we
 Omadhiladhilo ga yele
 Ndi tedhe nago ando
 Oshigwana shandje.

Onkalo moka shi li mo
 Ya kutha ndj' oondunge
 Ngee tandi tedha ando
 Oshigwana shandje.

Omweno gwandj' ogwa lila
 Omutima ogwa pongola
 Konkalo ndjoka ayihe
 Oshigwana shi li mo.

H.D.N

Hokolola kutya omuteyi okwa longitha ngiini elaka, opo a holole euvonayi lye komashongo ga taalela oshiwana she.

Shi ninga niitya **250 – 300**.

[20]

ETENDO B: OOPROSA

Metendo muka yamukula mo epulo **limwe** alike Iya kuthwa mu**Filemon Elifas** ku **H.D. Namuhuja** nenge mu**Yokomotunda ya theta** ku **H. Kangalange**.

- 3 Lesha okahokololo haka ka za mu**Filemon Elifas**, e to yamukula omapulo taga ka pulwa.

Shuumbwa okwa fa owala a kala a tega Martha a pite mOsiminali. Ka li a hala okuyonena mukwawo oskola. Omumvo tuu ngo Martha a pita kOngandjera, ogwo wo omumvo Shuumbwa a tameka okukonga Martha sha fatuka. Omadhiladhilo gaShuumbwa pamwe oga kala hagi itsu kumwe nomadhiladhilo gaMartha, omanga Shuumbwa inaa fatula nando osha.

Martha a yalekwa kuShuumbwa. Aantu yaPale oya li ya nyanyukwa sho yu uvu omuna gwaPiniyasa yaKambonde oye oshitenya shawo, Piniyasa ogwawo. Aakuluntu yoskola sho ye shi uvu kutya Martha ota kongwa komuwagona gwaPale, oya li ya geya. Aakadhona oyendji moshilongo, Shuumbwa na ka konge omunyekadhi gwe moshilongo, ngele nani okwa hala omunyekadhi, haMartha, ngu a putudhilwa oshilonga shuulongi. Aakuluntu yoskola, pethimbo ndyoka aatumwa, oya lombwele Martha kutya, otaye mu tumu kOngandjera nenge kUukwanyama kaandjahekulu Andreas Kantalelo oko a ka kale ye a galuke ko ngele yu uvu Shuumbwa a hokana gulwe. Itashi vulika nando ye a hokanwe.

Martha ka li u uvite ko nando. Omolwashike a li e na okuya ondapo yomuntu e mu lala ondjudhi. Ishewe Shuumbwa ke shi omumati gwowala kutya, ngele we mu etha to ka mona gumwe e mu vule. Shuumbwa omukwaniilwa. Osho Martha a kala nokudhiladhila.

Eti 20 IyaMai 1954 olyo esiku ndyoka Shuumbwa e mu kwata moonyala. Esiku ndyono muuwa mEpale, nomaandja Piniyasa yaKambonde omwa li enyanyu Iyaashi kutumbulwa. Konyama yoye yongombe, konyama yoye yoshikombo, kondjuhwa yoye, kelovu Iyoye, hamakende, aawe. Oongombe dho dha li dha tselelwa omufuko gwomukadhona odha li dhi li 14, hamano dhomudho odhuuwa.

Omuhokanithi, Efraim Angula ngoka a li a kongwa owina, okwe ya a kwatela aafuko komeho. Ohango oya hokanithwa pangerki nopaveta. Aawa oya kala taa henge po aanyekadhi yawo ihe Shuumbwa okwa kala a dhiginina Martha gwe. Shuumbwa sho a hokana omukadhona gwe Martha, ina kala mEpale. Oya yi ya ka kale kOnamungundo. Oko ya ningi elugo Iyawo lyotango.

MOnamungundo elugo IyaShuumbwa naMartha olya li hali kala Iyu udha aamati naakadhona. Nani hene ya za oonakugongela. Momumvo 1955 Shuumbwa naMartha oya pewa enyanyu enene. Osheeli shawo Akuunda okwa valwa meti 5 IyAguste 1955. Oya li ya nyanyukwa noonkondo esiku ndyo. Opwa piti owala omasiku omashona ye Namungundomonene ota ti nayi ye egonga oshitenya she shi hupagele momahoka.

Shuumbwa naMartha oya kala ye na elugo Iyawo mOnamungundo sigo omomvo 1959. Momumvo tuu ngoka, aakuluntu oya kundathana ya pe Shuumbwa omukunda. "Omukunda gwaNegonga IyaKambonde mbela inagu opala?" Osho Mupenda gwaNgolo a pula. "Onawa shili a pewe Oniihandi, oshoka omukunda ngoka ihagu landwa; ohagu gandjwa owala. Ne gu pewe," osho gumwe a yamukula.

Shuumbwa a pewa Oniihandi, omukunda gwaNegonga lyaKambonde, Odhila yoPoonkondo yaShekutamba Nuule. Omo a tungu tango egumbo lye. Omumvo ngoka okwa yi kEpale, oko ya ka lalekelwa ya wape ya ka lale Oniihandi. Epya lyaNegonga olya li li na ongwena oyindji. Shuumbwa a tameke okufula ongwena. lilonga yokomake okwa li e yi hole nkene a za. Okwi idhidhimikile ongwena ethimbo lyuule woomvula ndatu okuza komumvo 1959 ngo ye ya mOniihandi.

Momumvo 1960 Shuumbwa naMartha oya pewa ishewe enyanyu sho mesiku lyotango lyaSeptemba, ya pewa omumati nokwa lukwa Namene. MuSeptemba 1967 enyanyu lye ya ishewe mOnawa, oshoka oya pewa omukadhona nokwa lukwa Shinana.

- (a) Omudhaninkandangala okwa hololwa omuntu a tya ngiini mehokololo ndika **Filemon Elifas**? Shi koleka. [2]
- (b) Omuteyi okwa longitha ngiini oshitopolwa shomahupilo e tu etele puuyelee etumwalaka lyehokololo lye mokambo haka **Filemon Elifas**. Shi holola niitsa **ine**. [4]
- (c) Omushangi okwa longitha omushingo guni, opo e tu etele ethigilofogo mokahokololo haka? Gandja iitsa **iyali** e to koleke eyamukulo lyoye. [4]
- (d) Hokolola nkene omushangi wokambo haka a longitha omudhaninkandangala, opo a longe aaleshi oohedhi. Koleka eyamukulo lyoye.
- litsa nayi kale lwoopo **125 – 150**. [10]

[20]

NENGE

4 Yokomutunda ya theta ku H.Kangalange

Omushangi okwa longitha ngiini omunyandi **Tashiya**, opo a ete etumwalaka tali tungu omuleshi mehokololo ndika **Yokomutunda ya theta**?

Shi ninga niitya **250 – 300**.

[20]

ETENDO C: OODRAMA

Metendo muka yamukula mo epulo **limwe** tali zi m**Okanona mondhekwa yemwanka** ku **A.T. Ndjembo** nenge mulnga ku **A.T. Ndjembo**.

5 Lesho okatendo haka ka za m**Okanona mondhekwa yemwanka** ku **A.T. Ndjembo**. e to yamukula omapulo taga ka pulwa.

Omupangi: Tango, nandi pandule sho mwa gongala pethimbo, opo tu kundathaneni iinima ya pamba uundjolowe. Onda pandula wo tatekulu Muhongi, sho e egulula Oshigongi shetu negalikano. Nena onda hala tu kundathaneni kombinga yolualo lwa longekidhwa.

Muhongi: Ombili Sestera! Moshipopwa shoye sholuvala lwa longekidhwa, dhimbulukwa oohapu nde dhi lesha.

Omupangi: Onda hala okuyelithila oshigwana kutya, oshi li muudhigu! Otatu vala uunona owindji tse itatu vulu oku wu putudha. Otwa pumbwa okuya kokilinika tu ka pewe omayele goluvala lwa longekidhwa, opo tu kale tatu mono uunona womwaalu ngu twa hala. Utatu nenge une.

Gwamuhongi: *(naye ina tega a pewe ompito)* Tate, ino pitika meme Mupangi a tsikile niinima mbyo ta popi. Ota pukitha aantu yaKalunga! Alikana ina tsikila ko we.

Momutsemwapwa: *(ta popi nomuthindo)* Ngame onda hala okuuva nawa kumeme gwaMuhongi. Sho ta lombwele Sestera kaa popye sho a longekidha, ngono he oye ha pangele nopokapangeloo? Ishewe mpano ondi wete po na tatekulu lilonga, ye oye mwene gwomukunda noshigongi oshi li momukunda gwe. Oshike oye itaa ti omupangi na mwene?

GwaMuhongi: Ndishi tate omumati gwaKalunga!

Momutsemwapwa: Sho oshigongi twa tindi shi ningilwe mongeleki, notwa ti nashi ningilwe kokapangeloo, osho inaatu hala omaidhopomo ga gwaMuhongi nomukadhi. Oshigongi nashi tsikile!

Muhongi: Ndishi Momutsemwapwa, ke li ngaa nawa. Ke li ngaa nawa momutsee. Ote tu yonene oshigongi! Ando okwa li ta lalekwa po poshigongi, ando hwepo!

GwaMuhongi: *(ta koleke dhomulume)* Oshoshili! Sho tashi popiwa kutate osho shi li mondjila. Tate Momutsemwapwa na lalekwe po!

Ongundu: Aaye! Ngele ota tidhwa po natse otatu yi!

Muhongi: Oshigongi otashi kala mevundakano ngele omusamane Momutsemwapwa okwa pitikwa a kale ta popi! Omu shi shi ngaa ndishi kutya Momutse oku li ngaa ngawoo!

Ongundu: Shampa Momutsemwapwa i indikwa okupopyaa, oshigongi nashi halakane!

Omupangi: Aakwashigwana aaholike, tu taaleleni oshili moshipala. Opu na aantu haa mono uunona owindji wa pitilila, ashike uunona mbono ihaye wu gwanithile oompumbwe dhawo.

- (a) Omushangi woshinyandwa shika okwa longitha ngiini onkalathano a gandje etumwalaka lye kaaleshi. Gandja iitsa **iyali** e to shi koleke. [4]
- (b) Omushangi okwa yelitha ngiini ongushu yelongo lyoohedhi mokati kaanona moshinyandwa shika? Gandja iitsa **iyaali**, e to shi koleke. [4]
- (c) Omushangi okwa holola ngiini eitaalolongo lyelongelokumwe moshigwana okupitila momayihumbato gaMomutsemwapwa moshinyandwa shika? Shi koleka. [2]
- (d) Hokolola iilanduli yoshidhukudhuku ngaashi ya hololwa moshinyandwa shika **Okanona mondhikwa yemwanka**. Shi koleka.
- litsa nayi kale lwoopo **125 – 150**. [10]

[20]

NENGE

6 Inga ku A.T. Ndjembo

Eyeletumbulo “**omutima gwamukweni okalongo ki ili**”, olya kwatathana ngiini niiningwanima yomoshinyandwahokololo shika **Inga**? Totha mo iiningwanima **iyali** aike e to yi koleke.

Shi ninga niitya **250 – 300**.

[20]

BLANK PAGE